

في الحياة حبة مشاعر
ذكريات فرح و دموع
في الحياة سكك كثيرة..
بنمشي فيها ملهاش رجوع

~~~~~

فيه ناس احزانها توجعها..  
و من احلامها تمنعها  
و ناس عارفة طريقها لفين  
مفيش ولا شئ يرجعها

~~~~~

و ناس متطمئة بناسها
و ناس معدومة احساسها
و ناس راضية و بتسلم
و ناس الطمع ده اساسها

~~~~~

و ناس تتشاف ما تتعاشر  
و ناس عشرتها بالدنيا  
و ناس بتجيب من الآخر  
و ناس لابسين وشوش تانية

~~~~~

صحيح امورنا بتحير
و يوم عن يوم بتغير
و نتعافر و نتسابق
مع ان العمر ده قصير

~~~~~

و نرجع تاني و نقولها  
الدنيا ياما فيها و فيها  
هتعيشها بعرضها و طولها  
بس اوعى روحك تطفئها

~~~~~

اصل الحكاية و شوقناها
دي معادلة سهلة فهمناها
يا تعيش بحلم بجملها

iCulture

Empowering creative minds



يا خوف يموت معناها

~~~~~

بِقلمي / ميار أيمى

*iCulture*

*Empowering creative minds*